



Synfocity = 856

mail us at : mzsynfo@gmail.com; mizoramsynod@gmail.com - Phone - 2314648

September 1, 2022

- ❑ **West Delhi Mizoram Presbyterian Church (DMPC), Kohhran Puitlingah hlang kai**
August 28, 2022 Pathianni khan New Delhi-ah Synod Moderator Rev. Dr. Vanlalngkhaka Ralte kaihhrainain West Delhi Mizo Presbyterian Church chu Branch Church aţangin Kohhran puitlinga hlan kai a ni a. Kohhran puitlinga hlan kaina hunah hi Moderator hnen aţangin Pathian thuchah ngaihthlak a ni. Delhi Mizo Presbyterian Church (DMPC)-ah hian DMPC thuthmun kohhran, West DMPC leh North DMPC Inkhawm te kalpui a ni a. West DMPC hi kum 10 zet chu Mizo Christian Fellowship, Delhi tiin an ding tawh a. September 16, 2018 khan Delhi Mizo Presbyterian Church zawmin Branch Church niin an ding ta a. Tunah hian kohhran member 144 an awm mek a. Synod Moderator hi Rev. P.C Pachhunga, Finance Officer-in a tawiawm a ni.
- ❑ **Ramthar Ni**
August 31 hi Presbyterian Kohhran chuan Ramthar Ni atan a hmang a, Mizorama Presbyterian Kohhran rawn dintu Rev. David Evan Jones(Zosaphluia) Mizorama rawngbawl tura a lo thlen ni a nih vangin Mizoram Presbyterian Kohhran tan Ni pawimawh bik a ni. Kum 1972 Mizoram Synod Inkhawmpui chuan, Synod Ramthar Board-in, 'August 31, Pu Zosaphluia Mizorama a lo thlen ni hi Synod Ramthar Ni atan hman ni se', tia a rawtna chu pawmin kum 1973 aţang khan August 31 chu Ramthar Ni atan hman tan a lo ni ta a ni.
Mizoram Presbyterian Kohhran chuan kumin Ramthar Ni pual hian tum khat inkhawm atan programme a siam a, thupui inang tlang 'Chanchin Tha - Khawvel Damna' tih zirho a ni.
Ramthar Ni pual hian Synod Mission Board-a thawktute Ramthar Campaign neiin hetiang hian an kal.
 1. Edenthar Kohhran - Rev. Dr. K. Lallawmzuala, Executive Secretary
 2. Maubawk Kohhran - Rev. R. Lalmingsanga, Secretary, Synod Mission Board leh Synod Mission Choir
 3. Lawngtlai Bazar Veng Kohhran - Pu T. Lalchhuangliana
Pu H. Darrozama
Pu Lallawmnakima Hmar
- ❑ **Beihruai Thla**
Pathian kaihhraina-in Kohhran hoten Kumin 2022 Beihruai thla kan lo thleng leh ta a, Beihruai programme hi September 1 aţanga hman tan niin September 1 - 4 chung hian 'Ramthar Hapta' hman a ni ang a, September 5 - 18 chungin Kraws Thu zirho a ni ang a, September 19 - 25 chung hian 'Kristian Chhungkaw Hapta' hman a ni ang a. September 25-ah 'Nu leh Pa Ni leh Kristian Chhungkaw Ni' hman a ni baw ang. Beihruai hi kum 1918 June thla aţanga hman tan a ni a, kum 1925 aţangin September thlaah neih thin a ni ta a, kum 1947 aţangin Nilai Zan Thupui Bu leh Beihruai Thupui hi bu khata siam tan a ni.
- ❑ **Synod Mission Board leh ram pawn chet velna**
 - ◆ **Ramthar Campaign**
September 3 & 4, 2022 hian Kanaan Kohhranah Ramthar Campaign nei turin Rev. R. Lalmingsanga, Secretary, Synod Mission Board leh BEC member te Upa C. Lalmalsawma leh Upa Zoramthanga te an kal ang.
 - ◆ **Lucknow Mission Field**
August 28, 2022 (Pathianni) khan Targao, Unnao Pastor Bial, Lucknow Mission Field-ah Biak In leh Thawktu Quarters thar chu Rev. Vanlalhruaia Ralte, Field Secretary in a hawng.
 - ◆ **Jharkhand Mission Field**
August 23 leh 28, 2022 khan Field chung hmun hrang hrangah mi 29 Lal Isua zui turin an inpe a, August 27, 2022 (Inrinni) khan Loggao kuaah chungkaw 15 (member 56) kan Kohhranah an inpe baw. Kan Kohhrana rawn inpe te hi Roman Catholic Kohhran aţanga chhuakin hun engemaw chen Independent Church anga an awm hnuin kan Kohhranah an rawn inpe leh a ni.

◆ **Assam Mission Field**

August 28, 2022 (Pathianni) khan mi 9 Lal Isua zui turin an inpe.

◆ **Siliguri Mission Field**

August 28, 2022 (Pathianni) khan mi 14 Lal Isua zui turin an inpe.

◆ **Arunachal & Assam Mission Field (West)**

August 28, 2022 (Pathianni) khan mi 1 Lal Isua zui turin a inpe.

◆ **Karbi Anglong Mission Field**

August 28, 2022 (Pathianni) khan mi 7 Lal Isua zui turin an inpe a, Rongtheang Kohhran (Dongka Bialah) Baptist Kohhran aṅging mi 8 kan Kohhranah an inpe bawk.

◆ **Tripura Mission Field**

August 28, 2022 (Pathianni) khan mi 17 Lal Isua turin an inpe.

□ **Synod Higher Secondary School**

◆ August 22 - 26, 2022 chung khan Gospel Week an hman a. Zing devotion-ah '**Krista leh Kohhran tân**' tih thupui hmangin Pathian thuchah ngaihthlak thin a ni. August 26-ah nilêngin Crusade neih chhonzawm a ni. Crusade-ah hi Rev. Johana, Associate Professor, Missionary Training College chu Speaker a ni. Gospel Week denchhen hian Bible Knowledge exam neih a ni bawk a, a ti tha te hnenah lawmman pek a ni.

◆ Marine Quest, 2022 Semi Final-ah Synod Higher Secondary School Zirlai pahnih an tel:

August 23, 2022 khan MPEDA (Marine Products Export Development Authority) buatsaih Marine Quest 2022-ah Synod Higher Secondary zirlai pahnihte chuan Mizoram aiawhin Semi-Final Round khelin Kochi, Kerala-ah an tel.

India ram State/UT hrang hrang aṅgingin Team 2500 chuang inelin, a tawpah Team 8 te'n Semi-Final lutin Kochi, Kerala-ah hian an intum a. Heta intumte chu:

1. Mizoram

2. Assam

3. Uttarakhand

4. Haryana

5. Maharashtra

6. Kerala

7. Madhya Pradesh

8. Andra Pradesh te an ni a.

Mizoram aiawhin Abraham Lalthlamuanpuia, Synod HSS leh Lalnunpui Ralte, Synod HSS te an tel a, zirlai te hi zirtirtu 2 - Lalthantluanga Chawngthu, Lecturer, Synod HSS leh Timothy V. Ngente, Teacher, Synod HSS ten an hruai a ni.

August 24, tlai dar 5 - 9 inkarah MPEDA Golden Jubilee lawmna chu Grand Hyatt Kochi Bolgatty-ah neih a ni a, hetah hian Marine Quest lawmman hrang hrang sem nghal a ni.

□ **Campus Ministry**

Synod Campus Ministry buatsaihin Mamit khawpui chungna Mamit Pastor Bial leh Mamit Hmunsam Pastor Bial kohhran te nen August 26, 2022 (Zirtawpni) nilengin Mamit Kohhran Sunday School Hall-ah **Tleirawl Tha - Kohhran leh ram tân** tih thupui hmangin Symposium neih a ni a. Kohhran hrang hrang aiawh mi 57 an kal thei a ni.

Thupui hi tum 2 zir niin, Resouce Person atan Upa Lalnunsiam Khalthang, Committee member Synod Campus Ministry leh T. Upa K. Lalengzama, Laipuitlâng te hman an ni a, zaithiam NI Christina Vanlalnghâki'n Pathian fakna hla a sa bawk.

□ **Presbyterian English School (PES)**

August 30, 2022 (Thawhlehi) khan PES pali (4) - Darlung, Kanghmun, West Lungdar leh Reiek te tlawhin Pu PC Vanlalhruaia, Supervisor of Schools a kal.

□ **MSSU**

September 3 & 4, 2022 hian Tuipuibari Bialah Sunday School zirtirtu training neihpui turin MSSU Trainer te Upa Lalchuilova, Upa K. Vanlalnghaka leh Upa Hrilthansanga te an kal ang.

- ❑ **Social Front**
September 3 & 4, 2022 hian Sumsuih Bial-ah Kristian Chhungkaw Seminar leh Campaign nei turin Rev. Lalsangbera, Director leh Committee member te - Rev. Dr. Lalchawimawia, Upa Vanlalliana, Upa Dengthmingthanga, Upa Lalbiakmawia Khiangte leh Pi Hmangaihzaui te an kal ang.
- ❑ **Social Front**
 - ◆ September 3 & 4, 2022 hian Khawzawl Bial-ah Synod Social Front Campaign leh Seminar nei turin Resource Person te - Rev. Rosiamliana Tochhawng, Upa Dr. Lalrintluanga leh Upa H. Ngurthansanga te an kal ang.
 - ◆ September 4, 2022 (Pathianni) hian Sesawng Bial-ah Synod Social Front Campaign nei turin Resource Person te - Rev. Vanlalawmpuia, Rev. Johana, Upa J. Lalzamlia, Upa C. Chawngthantluanga leh T.Upa Lalrammuana Zadeng te an kal.
- ❑ **Hruaitu Thar**
North East India Committee on Relief & Development (NEICORD) Chairman atan leh TransWorld Radio(India) Vice Chairman atan Dr. Robert S. Halliday, Superintendent, Synod Office chu thlan thar a ni.
- ❑ **Office Kai hun tidanglam**
Synod Office leh Synod hnuai Dept hrang hrang te Office kai hun tidanglam a ni a, September 2022 atanga February 2023 thlengin dar 9:30am - 4:00pm thleng a ni ang.
- ❑ **Synod Relief Fund**
Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Zemabawk North & East	Damlo	4	Rs. 32,000/-
2.	Chhiahtlang Venghlun	Damlo	1	Rs. 8,000/-
			BELHKHAWM	Rs. 40,000/-
- ❑ **SEPTEMBER 2, 2022 (Zirtawpni) (FM Zoawi - Aizawl & Lunglei @ 7:30 p.m.):**
 - Solo : Joy Zairemmawia - Ka chhar ve ta
 - Zaipawl : Bawngkawn Bial Zaipawl - Khawvel hrehawm i tan
 - Thusawi : Rev. C. Lalremruata - Lalpa fak
 - Solo : Laldusaki - Ka kal thiam lo
 - Zaipawl : Electric Veng Bial Zaipawl - Khawpui mawiah
- ❑ **Susamachar Prasaran Programme :**
SEPTEMBER 4, 2022 (Pathianni) 5:00 pm. :
 - Group/Choir/Solo : The Leprosy Mission Choir - Ham Soup Te He
 - Group/Choir/Solo : Durtlang Masihi Sangati - Halleluiahs Chorus
 - Sermon : Rev. P.C. Rohlira
 - Group/Choir/Solo : Sihphir Vengthar Masihi Sangati - Na to bal se
 - Group/Choir/Solo : H.Vanlalringa - He Mere Man
- ❑ **Moderator leh Executive Secretary-te Programme:**
Rev. Dr. Vanlalnghaka Ralte : Moderator
 - Sept. 4, 2022 Kulikawn Bial, Chawhma - Kulikawn Vengthlang
Chawhnu - Kulikawn West
Zan - Kulikawn
 - Sept. 5, 2022 MSSU Executive Committee
 - Sept. 6, 2022 OM
 - Sept. 7, 2022 Finance Committee
 - Sept. 8 & 9, 2022 Barak Area Committee, Silchar

Rev. C. Zoramawia : Senior Executive Secretary

 - Sept. 6, 2022 OM
 - Sept. 7, 2022 Finance Committee
 - Sept. 8 & 9, 2022 Barak Area Committee, Silchar

Rev. V.L. Luaia Hranleh : Executive Secretary

Sept. 5, 2022 MSSU BEC
 Sept. 6, 2022 OM
 Sept. 7, 2022 Finance Committee
 Sept. 8 & 9, 2022 John Williams Hospital Committee, Lunglei

Rev. Dr. K. Lallawmzuala : Executive Secretary

Sept. 3 & 4, 2022 Ramthar Campaign, East Lungdar
 Sept. 6, 2022 OM
 Sept. 7, 2022 Finance Committee
 Sept. 11, 2022 Social Front Campaign, Hualngohmun

HNA RUAK DIL THEIH

Mizoram Presbyterian Kohhran hnuaiia **Hmangaihna In**-a thawk turin a hnuaiia hna hi a ruak a, kum 18 - 35 inkar, ni 28.09.2022 a kum 18 tling, kum 35 la pumhlum lo, zuk leh hmuama fihlim, Presbyterian Kohhran mi tan dil theih a ni. Hna dilna form chu ni 22.08.2022 (Thawhtanni) atangin Synod Office (Aizawl leh Lunglei)-ah lak chhuah theih a ni. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna form-ah hriattur pawimawh tihlan a ni.

Hna hming : **Case Worker (Contract) post - 1**
 Thiamna : Graduate of any recognised University
 Hlawh : Synod hnuaiia contract Case Worker hlawh

Dil theih hun chhung : Dt. 22.9.2022 (Ningani), 2:00pm thleng
Screening Test/exam : Dt. 24.9.2022 (Inrinni), 10:00am
Interview : Dt. 28.9.2022 (Nilaini), 11:00am

Sd/-
 Rev. C. Zoramawia
 Secretary, Synod Service Board
 Synod Office

SYNOD BOOKROOM BOOK NEWS FOR THE MONTH OF AUGUST 2022

- | | |
|-----------------------------------------------------------------------------------|------------------|
| 1. Synod Moderator Kalchhuakte Thuchah: <i>SL&PB</i> | Rs. 350/- |
| 2. Apologia: <i>Student Christian Movement of India (SCMI), ATC Unit</i> | Rs. 150/- |
| 3. Trinity Nge Oneness: <i>H. Joseph Lalfakmawia</i> | Rs. 350/- |
| 4. Mizoram Politics Leh Kohhran Darthlalang: <i>Major J. Thanruma</i> | Rs. 200/- |
| 5. Hringlang Tlang: <i>C Vanlallawma</i> | Rs. 500/- |
| 6. Ka Ram Leh Kei: <i>R. Vanlawma</i> | Rs. 500/- |
| 7. Zofate U, Finna Zawng Ula: <i>F. Vanlalrochana</i> | Rs. 300/- |
| 8. Zoram Khawvel I: <i>L. Keivom</i> | Rs. 250/- |
| 9. Hnam Sipaite Bangladesh Indonaah: <i>Hrangtawna</i> | Rs. 200/- |
| 10. Rilru Far Chhuak : <i>James Dokhuma</i> | Rs. 200/- |
| 11. Mihring: <i>B. Lalrinhlua</i> | Rs. 200/- |
| 12. Thangchhuah Tlang: <i>Lalnuntawma Fanai</i> | Rs. 250/- |
| 13. Mangtha Mai Le (Kelkang kal vang em ni) : <i>C. Laizawna</i> | Rs. 100/- |
| 14. Ral Ven Puk: <i>Sathanga</i> | Rs. 150/- |
| 15. Indian Union Chhunga Zofate Rin Luh Kan Nih Dan: <i>K. Remruatfela</i> | Rs. 250/- |
| 16. Hringnun Rohlu: <i>Marovi Lalhnam</i> | Rs. 200/- |
| 17. Leng Lal Saihnuna Fanai : <i>Saihnuna Memorial Society</i> | Rs. 250/- |
| 18. Mizo Tawng Hmang La, Humhalh Rawh: <i>K.C. Vanngbaka</i> | Rs. 300/- |
| 19. Aiting: <i>Govt. Khawzawl College, Mizo Department</i> | Rs. 350/- |